

RUKOMETNI SAVEZ BOSNE I HERCEGOVINE

PROPOZICIJE TAKMIČENJA



K U P R S B i H

ZA ŽENE I MUŠKARCE

2011/2012.

Na osnovu člana 37. Statuta Rukometnog saveza Bosne i Hercegovine i članova 4. 5. i 9. Pravilnika o organizaciji takmičenja, Izvršni odbor Rukometnog saveza Bosne i Hercegovine (u daljem tekstu IO RS BiH), usvojio je:

PROPozICIJE

Kup takmičenja za 2011 / 2012 godinu

I. OPŠTE ODREDBE

Član 1.

Ovim Propozicijama određuje se oblik, organizacija i održavanje rukometnih takmičenja u KUP – u RS BiH.

Odbrebama ovih Propozicija utvrđuje se sistem takmičenja, pravila takmičenja, kalendar takmičenja, troškovi takmičenja, kaznene odredbe, vođenje takmičenja i ostalo što je u vezi sa KUP takmičenjem.

Po usvajanju, Propozicije će biti objavljene na oficijelnoj web stranici RS BiH:

www.rsbih.com

Član 2.

Rukometni savez Bosne i Hercegovine je organizator KUP takmičenja Bosne i Hercegovine u ženskoj i muškoj konkurenciji. Takmičenjem neposredno rukovodi Komesar takmičenja Rukometnog saveza Bosne i Hercegovine za KUP takmičenje.

Član 3.

KUP takmičenje provodi se prema odredbama Propozicija KUP takmičenja i ostalih Pravilnika Rukometnog saveza Bosne i Hercegovine (u daljem tekstu: RS BiH).

Član 4.

Učestvovanje u Kupu RS BiH za klubove Premijer lige u muškoj i ženskoj konkurenciji je obavezno prema Odluci Izvršnog odbora RS BiH.

II. SISTEM KUP TAKMIČENJA

Član 5.

Takmičenje za KUP Bosne i Hercegovine, odvija se u dva stepena.

Član 6.

Prvi stepen takmičenja odvija se na nivou pred takmičenja u ženskoj i muškoj konkurenciji odigravanjem po jedne utakmice u mjestu prvo izvučene ekipe.

Član 7.

Drugi stepen čini četvrt finale KUP-a u komej učestvuje po 8 klubova u muškoj i ženskoj konkurenciji.

U četvrt finalu KUP-a RS BiH igraju se po dvije utakmice (ekipa je jednom domaćin, a jednom gost).

Član 8.

U skladu sa odlukom IO Rukometnog Saveza BiH, raspisaće će se Konkurs za organizaciju finalnih turnira (**FINAL FOUR**) u muškoj i ženskoj konkurenciji, a prije početka drugog stepena takmičenja.

Na finalnom turniru sudjeluju 4 (četiri) kluba koji izbore plasman u drugom stepenu.

Klub koji je ponudio najbolje uslove biće organizator finalnog turnira KUP-a.

Ako se do predviđenog roka ne javi niti jedan klub za organizaciju turnira ili ako klub kome je povjerena organizacija završnice odustane, IO RS BiH će odrediti mjesto odigravanja turnira u muškoj i ženskoj konkurenciji.

Član 9.

Muški klubovi koji su u sezoni 2010/2011. zauzeli mjesta od jedan do tri i to – :

1. RK "Bosna BH Gas" Sarajevo
2. RK "Borac M-tel" Banja Luka
3. RK "Izviđač MiG" Ljubuški

se direktno plasiraju u ¼ finale, a ostalih 14(četnaest) klubova učestvuju u predtakmičenju.

Ženski klubovi koji su u sezoni 2010 / 2011. zauzeli mjesta od jedan do četiri i to:

1. ŽRK "Borac" – Banja Luka
2. ŽRK "Mira" Prijedor
3. ŽRK "Ilidža" Ilidža
4. HŽRK "Zrinjski" Mostar

se direktno plasiraju u 1/4 – finale, a ostalih 8(osam)klubova učestvuje u predtakmičenju.

III KALENDAR TAKMIČENJA

Član 10.

Utakmice Kup-a RS BiH odigravaju se prema Kalendaru RS BiH u sledećim terminima:

| | |
|---|-------------------------|
| Žrebanje parova za početak Kup takmičenja | 29.09.2011.g. |
| Muškarci (14 ekipa) igraju jednu utakmicu | 07/08.09.2011.g. |
| Ženske ekipe (8 ekipa) igraju jednu utakmicu | 19.10.2011.g. |
| Muškarci (od sedam pobjednika žrebaju se četiri ekipe) | 09.11.2011.g. |
| Ženske ekipe –četvrt finale – prva utakmica | 04.04.2012.g. |
| Muškarci – četvrt finale – prva utakmica | 11.04.2012.g. |
| Muškarci – četvrt finale – druga utakmica | 14/15.04.2012.g. |
| Ženske ekipe –četvrt finale – druga utakmica | 18.04.2012.g. |
| Ženske ekipe –FINALNI TURNIR | 28-29.04.2012.g. |
| Muškarci – FINALNI TURNIR | 05-06.05.2012.g. |

IV PRAVILA IGRE

Član 11.

Utakmice KUP - a igraju se po Međunarodnim pravilima rukometne igre (IHF).

V ORGANIZACIJA TAKMIČENJA

Član 12.

Sve utakmice KUP - a Bosne i Hercegovine igraju se u dvoranama koje su registrovane za odigravanje utakmica Premijer lige.

Član 13.

Utakmicu organizira klub domaćin (prvo žrebana ekipa) u skladu sa odredbama ovih Propozicija.

Član 14.

Klub, domaćin utakmice, mora najkasnije devedeset šest (96) sati prije početka utakmice **fax – om, ili e-mail-om** obavijestiti o terminu i mjestu odigravanja utakmice i to:

- gostujući Klub (sa naznakom boje dresova igrača i vratara),
- delegata,
- sudije,
- zapisničara i mjerioca vremena i
- komesara takmičenja na e-mail: rsrs@blic.net. ili na fax: 051 223-161.

Klub koji ne ispuni odredbe ovog člana, kaznit će se sa novčanom kaznom u iznosu **od 30,00 KM** po jednoj odred

Član 15.

Klub, domaćin utakmice, mora osigurati sportsku dvoranu u skladu odredbama ovih Propozicija.

Klub, domaćin utakmice, mora osigurati najmanje četiri (4) službene osobe starije od 18 godina, koje moraju nositi vidljive oznake.

Najkasnije trideset (30) minuta prije početka utakmice, klub domaćin utakmice, mora nominiranom delegatu utakmice predati pisani popis službenih osoba koji sadrži: ime, prezime i JMBG.

Klub, domaćin utakmice, mora omogućiti delegatu utakmice, ako on to zatraži, provjeru identiteta službenih osoba.

Od svih službenih osoba, jedna osoba je glavna službena osoba koju delegat treba upisati u zapisnik sa utakmice sa JMBG.

Klub koji ne ispuni odredbe iz stava 1., 2., 3. i 4. ovog člana, kaznit će se sa novčanom kaznom u visini od **50,00 KM**.

Član 16.

Klub, domaćin utakmice, je obavezan na vrijeme, u skladu sa odredbama zakona, pismeno obavijestiti nadležnu Policijsku upravu, o terminu odigravanja utakmice, te u tom smislu zatražiti prisustvo određenog broja policajaca.

Klub, domaćin utakmice, je obavezan najmanje trideset (30) minuta prije početka utakmice, delegatu utakmice predložiti pisani dokaz kojim je obavijestio i zatražio prisustvo policije, a koji mora biti ovjeren od nadležne Policijske uprave.

Klub koji ne ispuni odredbe iz stavaka 1. i 2. ovog člana, kaznit će se sa novčanom kaznom od **100,00 KM**.

Član 17.

Klub, domaćin utakmice, mora pravodobno osigurati i službenog liječnika ili zdravstvenog tehničara s potrebnim priborom za pružanje prve pomoći.

Liječnik ili zdravstvena osoba iz stava 1. ovog člana mora se javiti delegatu utakmice najkasnije trideset (30) minuta prije početka utakmice.

Utakmica se ne smije igrati bez prisustva zdravstvene osobe.

Klub, domaćin utakmice, mora omogućiti delegatu utakmice, ako on to zatraži, provjeru identiteta liječnika ili zdravstvene osobe.

Delegat utakmice je obavezan u zapisnik utakmice upisati osnovne podatke o liječniku ili zdravstvenoj osobi (ime i prezime; JMBG; faksimil).

Klub koji ne ispuni odredbe iz stavaka 1., 2. i 4. ovog članka, kaznit će se sa novčanom kaznom od **150,00 KM**.

Član 18.

Klub, domaćin utakmice, mora poštovati sve propise RS BiH., a u vezi s organiziranjem utakmica.

Organiziranje utakmice se smatra završenim, kada svi sudionici napuste sportsku dvoranu.

Klub, domaćin utakmice, je odgovoran za red i sigurnost u sportskom objektu.

On mora na usmeni zahtjev gostujućeg kluba i službenih predstavnika, pružiti potpunu sigurnost od dolaska u mjesto igranja utakmice, pa do odlaska iz mjesta igranja.

Klub koji ne ispuni odrednice iz stavaka 1., 2. i 3. ovog članka, kaznit će se sa novčanom kaznom u iznosu od **200,00 KM**.

VI IZVLAČENJE PAROVA

Član 19.

Izvlačenje parova za KUP takmičenje kojem mogu prisustvovati svi zainteresovani klubovi, organizuje Komesar takmičenja.

Prvi izvučeni klub je domaćin. Ako se prilikom izvlačenja desi da su klubovi u prethodnom kolu bili ili domaćini ili gosti, domaćin je ekipa koja bude prva izvučena.

Ako se dogodi da jedan klub bude dva puta za redom domaćin, u narednom izvlačenju je obavezno gost i obrnuto.

Član 20.

Klubovi koji se takmiče u predtakmičenju KUP-a izborili su plasman za dalje takmičenje:

- ako pobijede,
- a ako nakon regularnog toeka utakmica završi neriješeno, igraju se produžeci shodno **članu 21.** (do dobivanja pobjednika).

Klubovi koji su izborili plasman u četvrt – finale igraju dvije utakmice (jednom domaćin, a drugi put gost).

Klub se plasira za dalje takmičenje ako:

- pobijedi u oba susreta;
- pobijedi jednu utakmicu, a drugu odigra neriješeno;
- a ako oba kluba imaju isti broj pobjeda, tada je pobjednik onaj klub koji je postigao više pogodaka u gostima;
- ako je i to isto, igraju se produžetci shodno **članu 21**. Produžetci se igraju na terenu kluba koji je u drugoj utakmici domaćin;
- u slučaju da obje utakmice završe neriješeno dalje takmičenje nastavlja klub koji je postigao više pogodaka u gostima,
- ako su oba kluba postigla isti broj pogodaka onda se igraju produžetci shodno **članu 21**. Produžetci se igraju na terenu kluba koji je u drugoj utakmici domaćin.

Član 21.

Ako se utakmica završi u regularnom toku neriješenim rezultatom, nakon pauze od 5 minuta, igra se prvi produžetak u trajanju od 2 x 5 minuta, sa promjenom strana uz minut odmora.

Ako se i nakon prvog produžetka ne dobije pobjednik nakon pauze od 5 minuta igra se drugi produžetak 2 x 5 minuta sa promjenom strana uz minut odmora.

Ako se i nakon drugog produžetka ne dobije pobjednik izvode se sedmerci.

- Prije nego se počnu izvoditi sedmerci svaki klub će nominovati po 5 (pet) igrača/ica, koji su po završenim produžetcima, imali pravo nastupa, pa spisak sa brojevima nominovanih igrača predaju delegatu utakmice i sudijama. Svaki od ovih igrača/ica izvodi po jedan sedmerac mijenjajući se sa protivničkim klubom. Klubovima je ostavljeno na volju da odrede redoslijed izvođenja sedmeraca.
- Golmani mogu slobodno da se mijenjaju ili da ih zamijeni neko od drugih igrača koji imaju pravo igranja.
- Sudije odredjuju stranu i gol na kojem će se izvoditi sedmerci. Klub koji dobije ždrijeb, može birati da li da prvi izvodi sedmerac ili da to prepusti drugom klubu.
- Nakon prvog kruga izvođenja sedmeraca pobjednik je klub koji je postigao više pogodaka. U slučaju neriješenog rezultata nakon prvog kruga izvođenja sedmeraca, nastavlja se izvođenje sedmeraca sve dok se ne dobije pobjednik. U drugom krugu prvi sedmerac izvodi drugi klub bez ždrijebanja. Ponovo se nominuje po pet igrača/ica iz svake ekipe za izvođenje sedmeraca. Igrači/ce nominovani u prvom krugu mogu se ponovo nominovati ili nominovati druge.
- Nakon drugog kruga izvođenja sedmeraca, pobjednik je klub koji u drugom krugu postigne više pogodaka. Ipak, pobjednik je odlučan kada jedna ekipa **dođe u prvo vodstvo** nakon istog broja naizmjenično izvedenih sedmeraca. Ako se i nakon drugog kruga izvođenja sedmeraca ne dobije pobjednik, izvođenje sedmeraca se nastavlja naizmjenično izvođenjem po jednog sedmerca do konačnog pobjednika. Nominovani igrači/ce drugog kruga mogu se mijenjati.
- Igrači –ce i golmani sa pravom nastupa za izvođenje sedmeraca su igrači/ice upisani u zapisnik utakmice, a koji nisu bili diskvalificirani ili isključeni na 2 minuta u vrijeme drugog produžetka u trenutku označavanja završnog signala za kraj utakmice.
- Dok se izvode sedmerci samo igrač/ica koji izvodi sedmerac, odgovarajući golman i sudije mogu biti na toj polovini igrališta.

Član 22.

Finalni turniri u muškoj i ženskoj konkurenciji igraju **po četiri kluba u 2 (dva) dana**. Finalnim turnirom rukovodi Komesar takmičenja.

Prvog dana turnira igraju se polu - finalne utakmice (dvije), a izvlačenje parova obavlja se ranije, na temelju odluke Komesara takmičenja o ždrijebu polufinalnih parova. Pobjednici polu - finalnih utakmica nastavljaju takmičenje u finalu. Ekipe koje izgube utakmicu, ne nastavljaju takmičenje.

U slučaju da se utakmica ili utakmice polu - finala završe neriješenim rezultatom igraju se produžetci u skladu sa **članom 21**. ovih Pravila. Ovo važi i za finalnu utakmicu .

VII TROŠKOVI TAKMIČENJA

Član 23.

Klubovi učesnici KUP-a snose svoje troškove kao domaćini organizacije utakmice, a kao gosti troškove putovanja.

Finalni turnir KUP – a se organizira se na osnovu Konkursa kojeg će objaviti Komesar takmičenja, a Izvršni odbor će donijeti konačnu Odluku o mjestu odigravanja utakmice, te uslove pod kojim se igraju utakmice.

Član 24.

Svi klubovi za sudjelovanje u KUP takmičenju, a plasirali su se u četvrt finale uplaćuju Rukometnom savezu Bosne i Hercegovine jedinstvenu taksu u iznosu od **200,00 KM**. sa naznakom **Taksa KUP - a 2011 / 2012.**

Član 25.

Troškovi službenih osoba obračunavaju se prema troškovniku Premijer lige:

Ako su službene osobe angažovane dva dana (za finalni turnir) tada će im se isplatiti jedna dnevnicu u punom iznosu.

VIII SLUŽBENE OSOBE

Član 26.

Službene osobe na utakmicama KUP – a RS BiH su sudije, delegat, mjerilac vremena i zapisničar.

Delegiranje službenih osoba - sudija i delegata za sve utakmice KUP-a RS BiH vrši Komesar takmičenja.

Delegat utakmice mora po okončanju iste SMS porukom obavijestiti Komesara takmičenja o rezultatu utakmice uz kraći komentar o istoj, a prvog radnog dana poslati zapisnik i eventualne dopunske izjave i komentare.

IX NAGRADE

Član 27.

Pobjednik finalnog turnira u muškoj i ženskoj konkurenciji je osvajač KUP – a RS Bosne i Hercegovine i dobiva:

- **prelazni pehar** i pehar u trajno vlasništvo RS BiH;
- **medalje PRVAK – ZLATNE**, a poražena ekipa **SREBRENE** medalje.
- pobjednici KUP takmičenja u muškoj i ženskoj konkurenciji izborili su eventualno učešće u KUP - u EVROPSKIH pobjednika KUP - ova. Pravo i način izbora učešća utvrdit će IO RS BiH u dogovoru sa EHF - om.

X KAZNENE ODREDBE

Član 28.

Kaznene odredbe regulisane su ovim Propozicijama i Disciplinskim pravilnikom RS BiH.

Kaznene mjere izrečene na osnovu ovih Propozicija prenose se i za sva ostala takmičenja u RS BiH i obrnuto, kazne iz Premijer i Prvih liga prenose se i za KUP takmičenje.

Član 29.

Svaki klub, koji pristupi takmičenju, a potom se povuče iz njega, kažnjava se prema sljedećem:

POVLAČENJA

| | |
|-------------------------------|--------------------|
| odmah nakon žrijeba | 500,00 KM |
| 10 dana prije utakmice | 600,00 KM |
| 9 dana prije utakmice | 700,00 KM |
| 8 dana prije utakmice | 800,00 KM |
| 7 dana prije utakmice | 900,00 KM |
| 6 dana prije utakmice | 1.000,00 KM |
| 5 dana prije utakmice | 1.100,00 KM |
| 4 dana prije utakmice | 1.200,00 KM |
| 3 dana prije utakmice | 1.300,00 KM |
| 2 dana prije utakmice | 1.400,00 KM |
| 1 dana prije utakmice | 1.500,00 KM |

Odustajanje od već organizovanih utakmica kaznit će se još i novčanom kaznom u iznosu **do 2.000,00 KM**, što će ocijeniti IO RS BiH na osnovu gubitka koje su nastali kod organizatora utakmice.

XI ŽALBA

Član 30.

Na odigranu utakmicu klub ima pravo najaviti žalbu.

Žalba iz stava 1. ovog člana, se najavljuje najduže u roku od **30 (trideset) minuta**, računajući od trenutka okončanja utakmice, a prije zaključenja zapisnika utakmice.

U dopunskom izvještaju uz zapisnik sa utakmice moraju biti ubilježeni razlozi zbog kojih klub najavljuje žalbu. Utakmica na koju je najavljena žalba može biti poništena.

Provođenje žalbenog postupka regulisano je ovim Propozicijama KUP – takmičenja.

Član 31.

Komesar takmičenja ima pravo i obvezu poništiti utakmicu i na koju nije uložena žalba, ako se dogodilo nešto što je u očitoj suprotnosti s Pravilima igre, propisnicima RS BiH i ovim Propozicijama, a od odlučujućeg je značaja za konačni ishod utakmice.

Član 32.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti delegatu prije početka utakmice.

Žalba radi igrališta, sprava i uređaja, najavljena nakon utakmice, neće se razmatrati.

Član 33.

U roku od četrdeset osam (48) sati, računajući od sata završetka utakmice, Klub koji je uložio Žalbu, mora poštom otpremiti originalni primjerak Žalbe sa svim bitnim elementima.

Klub koji podnosi Žalbu, je obavezan na račun RS BiH, **uplatiti taksu u iznosu od 300,00 KM.**

Član 34.

Komesar takmičenja mora u roku od petnaest (15) dana, računajući od dana prijema žalbe, donijeti odluku o žalbi u prvom stepenu.

Žalba na utakmicu finalnog turnira mora se riješiti istog dana.

Član 35.

Na odluku Komesara takmičenja nezadovoljna strana ima pravo podnijeti žalbu drugostepenom organu (Takmičarskoj komisiji) i to u roku od osam (8) dana, računajući od dana prijema prvostepene odluke.

Nezadovoljna strana iz stavka 1. ovog članka, koja podnosi žalbu, je obavezna na žiro račun RS BiH, uplatiti **taksu u iznosu od 300,00 KM.**

Član 36.

Na odluku drugostepenog organa može se uložiti zahtjev za zaštitu zakonitosti.

Zahtjev za zaštitu zakonitosti iz stava 1. ovog članka podnosi se Predsjedništvu RS BiH u roku od osam (8) dana, računajući od dana prijema drugostepene odluke.

Član 37.

Žalba na prvostepenu odluku doprema se drugostepenom organu isključivo posredstvom Komesara takmičenja.

Zahtjev za zaštitu zakonitosti doprema se posredstvom IO RS BiH.

XII PREKID UTAKMICE

Član 38.

Utakmica se može prekinuti privremeno ili trajno. O prekidu utakmice odlučuju sudije, ako su iscrpljene sve prethodne mogućnosti, da bi se utakmica privela kraju.

Član 39.

Utakmica se prekida privremeno radi:

- ako se igralište u toku utakmice onesposobi za igru toliko da onemogući nadzor nad loptom;
- rasvjete koja ne zadovoljava propisane uslove;
- neuljudnog vladanja gledalaca i nakon upozorenja od strane delegata utakmice;
- bacanja predmeta u igralište, na sudije, službene osobe ili igrače/ice;
- fizičkog napada na sudionike utakmice;
- fizičkog obračuna između pripadnika jednog i drugog Kluba,
- nereda na igralištu, ometanja igre od gledalaca ili uopšte radi slabo priređene utakmice;
- drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uslovi za nastavak igre.

Utakmica se prekida trajno radi:

- fizičkog napada na sudionike utakmice s težim posljedicama i fizičkog napada na službene osobe;
- kad su narušena Pravila igre i uslovi igranja utakmice toliko, da sudije, unatoč poduzetim mjerama, ne mogu utakmicu privesti završetku.

Prije odluke o trajnom prekidu, delegat utakmice i sudije moraju zatražiti od Kluba domaćina utakmice:

- da ukloni nedostatke u priređivanju utakmice, ako je prekid nastao radi slabo priređene utakmice,
- da uvede red u gledalištu i
- da isprazni gledalište ili djelomično udalji gledaoce.

Ako se ni tada ne osigura red na igralištu, sudije će utakmicu trajno prekinuti.

Član 40.

Ako se igra ponovljena ili nastavlja privremeno prekinuta utakmica, troškove snosi Klub koji je prouzročio prekid utakmice.

Ako je utakmica prekinuta radi vremenske nepogode ili više sile, tada svaki Klub snosi svoje troškove.

XIII ODLAGANJE UTAKMICE

Član 41.

Ako jedan klub daje najmanje jednog/nu igrača/icu za reprezentaciju Bosne i Hercegovine, može zatražiti odlaganje utakmice.

Ako jedan klub nastupa u jednom od EHF kupova, može zatražiti odlaganje utakmice.

Zahtjev za odlaganje utakmice podnosi se Komesaru takmičenja u pisanom obliku, i to najkasnije deset (10) dana prije termina odigravanja utakmice. U zahtjevu se navode razlozi radi kojih se treba odložiti igranje utakmice.

Član 42.

Kup utakmica se može odložiti i uslijed epidemije. Za odlaganje ovakvih utakmica potrebno je pribaviti pisani dokaz, isključivo od nadležne zdravstvene ustanove (Doma Zdravlja) i dostaviti ga Komesaru takmičenja, ali najkasnije 24 (dvadeset četiri) sata prije početka već zakazane utakmice.

XIV TV, RADIO, VIDEO I REKLAMNA PRAVA

Član 43.

RS BiH na utakmicama za KUP Bosne i Hercegovine ima pravo da bez naknade postavi reklamne panoje dužine ne veće od 5 metara u prostoru ispred ili oko zapisničkog stola.

O postavljanju reklamnog panoa RS BiH će najmanje 5 (pet) dana prije održavanja susreta izvijestiti domaćina, u protivnom smatrat će se da je RS odustao od reklamiranja.

Član 44.

RS BiH može ustupiti organizaciju finalnih susreta drugim organizatorima. Ugovorom će se regulirati odnos.

XV PRIJELAZNE I ZAVRŠNE ODREDBE

Član 45.

Odredbe Propozicija tumači I O RS BiH. Za sve što nije predviđeno ovim Propozicijama, primijenit će se:

- Propozicije takmičenja Premijer lige
- Disciplinski pravilnik,
- Pravilnik o registraciji igrača.
- Pravilnik vezan za organizaciju takmičenja.
- i drugi propisi RS BiH.

Član 46.

Izmjene i dopune Propozicija vrše se na način i po postupku njihovog donošenja

Član 47.

Danom stupanja na snagu ovih Propozicija, prestaju važiti sve dotadašnje Propozicije.

Član 48.

Propozicije stupaju na snagu od 01.10.2011.godine.

**IZVRŠNI ODBOR
RUKOMETNOG SAVEZA
BOSNE I HERCEGOVINE**

ADRESA ZA SLANJE POŠTE:

RUKOMETNI SAVEZ RS

Sime Matavulja 6

78000 BANJALUKA

MOB: 065 564019

E-MAIL rsrs@blic.net

FAX: 051 223161